

ERREGAIK Konpainiak azken astean bi aldiz jaitsi du gasolina mota guztien prezioa eta gasolioarena lehen aldiz.

Cepsak gasolioa eta gasolina 2 pezeta jaitsi du

LPEEk urtarrilean petrolio ekoizpena murriztuko duela iragarri ditu

Erredakzioa | **DONOSTIA**

Petrolio upelaren prezioak azkenaldian izan duen beherakadaren ondorioz, erregaien salneurriak ere behera egin dute, astean zehar Espainiako erregai banatzaile nagusiek prezioak jaitsi ondoren. Atzo, Cepsak, merkatuaren laurdena duen konpainiak, bi pezeta jaitsi zuen berriro gasolina mota guztien eta gasolioaren salneurria.

Iragan urriaz geroztik, gasolioaren prezioak ez zuen aldatarik izan, baina atzo Cepsak bi pezeta jaitsi zuen eta egun 127,9 pezetatan dago. Konpainiaren arabera, jaitsieraren arrazoia euroak dolarrarekiko izan duen gorakada batetik eta petrolio upelak izan duen prezio jaitsiera izan dira bestetik.

Repsol-YPF konpainiak baieztatu zuen ez duela oraingoz preziorik jaitsiko.




PABLO S. QUIZA

Urriaz geroztik lehen aldiz aldatu du gasolioaren prezioa Cepsak.

Azken asteetan petrolio upelak nabarmen egin du behera urriko igoera eta gero. Atzo, adibidez, 26,83 dolarretan kotizatu zen petrolio upela Londresko Brent merkatuan.

Hala ere, badirudi egoera aldatu egin daitekeela datorren urtetik aurrera. Saud Nasser Kuwaiteko Petrolio ministroak atzo esan zuen Lurralde Petrolio Esportatzaileen Erakundea



petrolio ekoizpena eguneko milioi upeletan murrizteko erabakia hartuko duela urtarrilean. Nasserren hitzak pixu handiak dira 2001etik aurrera LPEEren lehendakaria izango baita. Saudek baieztatu zuen halaber, ez dela ekoizpenik igoko.

LABURAREN



XOUSE SIMAL

Itsasaldeko Foroak 77 milioiekin lagunduko dio sektoreari.

Ontziolen industriak datorren urterako emaitza ezin hobeak espero ditu

EAEko ontziolen industriak Itsasaldeko Foroa antolatu zuen atzo Bilbon, eta bertan, Javier Lopez Lacalle zuzendariak iragarri zuen datorren urtea «ezin hobeak» espero dutela. Iaz EAEko ontziolen industriak 185.000 milioi pezeta fakturatu zituen eta kantitate horren %70 esportazioetatik etorri zen. Gainera, 14.500 pertsonari lana eman zion.

Aurrekontuak luzatuz gero aldundien ekarpena ez igotzea aztertuko du Legebiltzarrak

Legebiltzarreko mahaiak Aldundiek EAEko aurrekontu orokorrekin egin beharreko diru ekarpenari buruz PPK aurkeztutako lege proposamena aztertzea onartu du. Aurrekontuak luzatzen badira, ekarpena iazko bera izatea eskatu du PPK. Finantza Kontseiluan, aldiz, aldundiek eskaini beharreko diru kopurua igotzea onartu zen.

Espainiako Auzitegi Gorenak Bizkaiko eta Kantabriako Firestoneko erretiratuei eman die arrazoia

Espainiako Auzitegi Gorenak Bridgestone-Firestone enpresari Bizkaiko eta Kantabriako 283 jubilaturik zirenak diru kopurua, denek 1.500 milioi pezeta, emateko agindu dio, 1998an sindikatuekin diru hori etetea adostu eta gero.



EDURNE KOCH

Ehun bat kamioilariak parte hartu zuten prentsaurrekoan.

Kamioilari autonomoen protesta Biriaturuko mugan

Gipuzkoako, Bizkaiko eta Arabako kamioilari autonomoek protesta egin zuten atzo Biriaturuko mugan Hiru sindikatuak deiturik. Ehun bat kamioi ezarri zituzten bide bazterrean trafikorik eten gabe, gasolioaren igoerak beren zerbitzuen ordainketan igoerarik izan ez dutela salatzen. Patronala bilkura batera deitu dute, baina kasurik ez die egin. Atzo, «abisua» izan zen «ekimen gogorragoak» abiatu aitzin.

BURTSA. Telefonica, BSCH eta BBVA IBEX-35eko igoera handienak

Retegi zaharrarena

J.B. Andueza |

Eugi zaleei eta Telefonica ahaztuta zutenei gauza bera gertatu zaie: rockero zaharren indarra ahaztu dutela. Retegik ondo jokatu eta galdu bazuen, Edurnezurik irabazi egin zuen, %5,71. Brasil mugikorretan aritzeko Japoniako NTT DoCoMo taldearekin akordioa aztertzen ari dela jakin zen

egun berean, Telefonica majo bultzatu zuen indizea kartoi beltzetara, BSCH (+%4,82) eta BBVAren (+%2,74) laguntzarekin.


Akzio berriak ordea, sasoiko daude Nasdaq-en laguntzaz: Telepizzak %14,7 egin zuen gora eta TerraLycos eta TPIK %7 pasa. Gakoa, pasa den asteko Greenspan botileroaren hitzetan dago. Martin Ezkurra balitz bezala.

DATUA

IBEX-35 indizearen Aholku Batzorde Teknikoak gaur jakinaraziko du datorren urtarrilean indizean zein enpresa sartu eta aterako diren. Telefonica Moviles eta Picking Pack dira sartzeko hautagai nagusiak, baina Gamesa eta Recoletosek ere badituzte aukerak.

Bilboko 2000 indizea

Diferentzia **+%2,89** | Azken indizea **1.749,40** | Aurreko indizea **1.700,22**



Beste indizeak

New York (Dow Jones)*	10.742,11 (+%0,27)
Tokio (Nikkei)	15.015,70 (+%2,00)
Madril (IBEX-35)	9.788,10 (+%3,06)
Paris (CAC-40)	6.077,88 (+%2,33)
Londres (FTSE 100)	6.370,30 (+%1,30)
Frankfurt (DAX)*	6.775,60 (+%1,26)
Milan (Mibtel)	31.625 (+%0,43)

* Egundira arte

Dibisen merkatua

	Euro bat
Pezeta	166,386
Libera	6,55
Dolarra (EEBB)	0,8804
Libra Esterlina	0,6049
100 Yen (Japonia)	0,9753